

Gabriel-a Leh Hlutea Te Thian Dun

Name : Laldintluangi Tlau

Pa hming : Laldinpuia Tlau

Class : VI

School : English Congregation School

Address : Middle Kanan, Kanan Veng, Aizawl

Ph. 98622 62603 / 89742 13397



GABRIEL-A LEH HLUTEA TE THIAN DUN

Bung khatna : Naupan Lai

Khaw te tak te pakhat hian mipa naupang fel em em mai Gabriel-a hi a awm a. A tan chuan nun hi a awlsam vak lo a. Chhungkaw hausa atanga lo kal a ni lo a, chu mai bakah sikulah a thiam pawl a ni ngai hek lo. Gabriel-a chuan lekhazirah chuan a classmate-te a tluk lo hle a. A theihpatawpin lehkha pawh zir mah se, a pass tawk tawk zel a, fail te pawh a nei ngun ve hle. Mahse thiamna pakhat a nei ve a, chu chu football khelhi a ni.

Gabriel-a hian thian chu a ngah ve hle a, mahse a thian tha ve ber, Lalrohlua, Hlutea chu Gabriel-a ang lo takin sikul lamah a che tha hle a. Pakhatna a ni char char a, zirtirtute duhsak pawh a hlawh em em a. Hlutea nu leh pate chuan fak an hlawh thin hle a. Gabriel-a nu chuan Hlutea ang ni turin a ti fova, mahse Gabriel-a chuan inkhelh a tui zawk tlat si.

Tlai sikul ban apiangin a thiante nen an inkhel ziah a, a thiante chuan Gabriel-a pawla awm an inchuh thin a. A ball chhe tawh tak nen chuan an field-ah chuan a kal a, ke lawng chuan an va inkhel thin a. An field chu a chhe em em a, a diak em em baw a, hnimte chu a to duah a, mahse Gabriel-a tan chuan stadium pui tak a ni thung. A chang chuan Hlutea te inah a va kal a, inkhel en chauh ten. Gabriel-a chuan a team duh ber an chak leh chak loh tih hriatna atan a en lo a, an inkhelh dan a en a, in a thlen hunah an inkhelh dan a hriat danin a zir ve thin a.

Hlutea erawh chuan lehkha a zir tang tang thin a, inkhawmna lamah te pawh duhsak leh duat an zirtirtute atang a hlawh bik thin hle. Hlutea hi lekhathiam thei satliah a ni lova, a zir peih em em a, a tumruh em em baw, a len hunah Engineer nih hi a tum ber chu a ni. A nu hian Gabriel-a nu hnenah hian Gabriel tuizawng thlak turin a ti thin a, thlak pawh a tum ngei a, mahse Gabriel-a chu a inthlak duh si lo.

Gabriel-a chhungte leh a zirtirtute hian inkhelh hi a thiamna lam a ni tih an hria a, mahse a bulah chuan, "Gabriel, inkhelh hi i thiamna zawng a ni tih kan hria; mahse, inkhelh hian khawiah mah a thlen lovang che. Lehkha hi zir tha la, i hlawhtling dawn alawm. Inkhelh hi bansan hrih la, lehkha zir tha la, i hlawhtlin hunah i khel thin dawn nia" an ti thin a, a nu ngei pawhin a ti a. Mahse, inkhelh vang hian a hlawhtlin hi a ring tlat a, a inkhel lui zel a.

Ni khat chu Gabriel-a pa, Pu Mafaka feh haw chuan an field-a Gabriel-a inkhel a va hmu fuh a. Pu Mafaka chuan a thiam a ti hle a, a thiante a bum dan te, a pet goal dan te chu nalh a ti hle. Gabriel-a chu a ko haw a, Pu Mafaka chuan, “Gabriel” a han ti a, a kut chu Gabriel-a darah a han dah a, “Pathianin hlawhtling tur chein a siam che a ni. Lehkha zir hi i thiamna lam a ni lo a, i chemkalna lam chu inkhelh hi a ni” a ti a. Gabriel-a chuan a awmzia a hre thiam lo hle a. “Sikul hi bansan la, inkhelhah hian kal la paw i ti ang em?” Pu Mafaka chuan a han ti a, Gabriel-a chuan mak a ti hle. A nu leh a unaute pawhin mak an lo ti em em a, a nu leh a pa chu an inhnial deuh phah a.

Gabriel-a chuan inkhelh chu nuam a ti hle a, mahse sikul kal loh phah nan chuan a hreh ve deuh a. Pawl 9 pass lo nih chu a duh bik lo a. Mahse, atana tha a nih a ring a, sikul chu a kal dawn lo ta a. Chhungkaw hausa an ni lo a, academy tha tak takah pawh a kal ve thei dawn lo a, mahse Pu Mafaka chuan Gabriel-a chu chance pek ve ngei a duh a.

Pu Mafaka chuan Gabriel-a chu a thiam dan danin train a tum ve a. Zingah ni chhuah hmain an tho va, Gabriel-a chu field chu vawi 10 te a tlan chhuah tir thin a. Zing tin, Chawlhni tih loh chu Gabriel-a chu a in-train a. Pu Mafaka chuan a en reng zel a, a theih ang tawpin Gabriel-a pawh chu a pui tlat a. A tirah chuan a awlsam lo hle, Gabriel-a taksa te chu a rawl em em zel a, a kutte chu push-up a tihna lamah te chuan a na em em thin a, mahse a sawisel ngai lo a. Pu Mafaka pawh chuan ball boot to vak lo leh ball tha ve pangngai te chu a lei sak a, Gabriel-a tan chuan a inpe hle a. An khaw mite chuan nuihsawh mah se an pahnih chuan an tumruh telh telh zawk a.

Thla te a liam a, Gabriel-a skills te pawh a tha tawh hle mai a. A hma aiin a tlan chak a, a skills te chu a dik thlap tawh a, chumai bakah a confident tawh zawk a. An khuaah chuan Gabriel-a’n defenders te a bum dan te chu sawi a hlawh tan hle a.

A hnuah chuan futsal tournament U18 hi an rawn siam a, an khaw thenawmte pawh an tel avangin an khua pawh chuan tel ve ngei an tum. An khua chuan player tha tha nia an hriat an thlang ta a, Gabriel-a pawh chu an thlang ve a. Gabriel-a chu captain-ah an dah a, chu chuan Pu Mafaka chu a ti lawm hle a.

Tournament-ah chuan player tha deuh deuh an rawn kal a, training tha zawk neite an ni a. Gabriel-a teammate te chuan ball boot tha tak tak te an nei a, mahse, chu chuan Gabriel-a chu a tih lungngaih phah lo. Aizawla awm, hausa zawkte chuan an khua chu an nuihsawh deuh va, a bikin Gabriel-a. Naupang kum 12 mi lek an captain-a an dah te chu an nuihsawh hle a, mahse Gabriel-a chuan eng atan mah a ngai lo, a chhan chu chak tura rawn kal a nih avangin.

Match hmasa berah chuan Mamit an tum dawn, player tha tak tak chu an awm a, chak pawh a harsat hmel mah se Gabriel-a chuan goal 2 khungin 2-1 in an chak a. Chuti chuan team dang pawh an hneh zel a. Tunah chuan an lar tawh hle, a bikin Gabriel-a. Aizawlah ni 3 an chamna a ni ta a, semi-final a ni a, Sialsuk an tum dawn a. A tirah chuan an

hneh lo hle, first half chu Sialsuk 2-0-in an lead a. Mahse, 2nd half a lo nih chiah chuan Gabriel-a pawh a tang hle, goal khat a khung a, pakhat a assist bawk. Tunah chuan an in-draw ta a. Penalty shoot-out-ah 4-2 in an chak a, final an lut ta a.

A tuk a lo ni a, final-ah chuan Aizawl veng pakhat, Luangmual Veng an tum dawn a. An tha em em a, mi tam zawk pawhin Luangmual chu an hneh theih an ring lo a. Mahse, Gabriel-a chuan a ring tlat thung. An han inkhel tan a, Luangmual chu an thiam hle a, 3-0 in an lead nghal a, Gabriel-a te team chuan an hneh loh an ring vek tawh a. Gabriela chu beidawng ve mai lo a, theihtawp a chhuah a, wawi hnih a pet goal nghe nghe a. Mahse, a tawpah chuan 3-2 in an chak ta chuang lo a. Chak zo lo mah se, Gabriel-a chuan fak a hlawh hle a. Goal 9 khungin top scorer leh best player award a dawng a. An khaw lamah pawh Gabriel-a chu a lar hle a a, Pu Mafaka chuan a chhuang hle a.

Bung hnihna : A hlawhtlin tanna

Gabriel-a an khaw lama a haw tur sumo-a a chuang tur chu mipa pakhat hi a bulah a rawn kal a, “Gabriel Malsawmtluanga i ni tiraw?” a ti a. “Aw, ni e” tiin Gabriel-a chuan a chhang a. Chu pa chuan, “James Tlanmawia ka ni a. Winning Devadoot Academy scout ka ni” nui sang pah chuan a ti a. “I inkhel kha ka lo en a, talent i nei tha khawp mai. Kar lehah trial a awm dawn a, lo kal ve la ka ti khawp mai” a ti a. “Tak tak maw?” Gabriel-a chuan a han ti a. Pu James-a chuan, “Aw, i game khelh dan kha kan duh dan tak a ni. Ball i chuh dan te, i pet dan leh i khalh dan te atang khan, talent i nei tih chu a hriat khawp mai.” tiin a chhang a. Gabriel-a chu a lawm em em a, a thin chu a phu nasa em em bawk a. A lawmzia chu thuin a sawi fiah thiam lo.

Pu Mafaka chuan, “A va lawmawm ve, ka pu. Mahse, mi rethei kan ni a, vai ram lam a nih hmel sia, kan va kal theih lo hmel ve. Aizawl lamah te trial chu a pek theih mai lo em ni” a han ti a. “Theih loh. Kerala-a club a ni a, Kerala-ah chiah trial chu a pek theih. Amaherawhchu, club lamin a kal man leh a awmna man chu an tumsak vek thei ang. A pa em ni i nih a?” Pu James chuan a ti a. “Aw, ni e. Mafaka tiin min ko mai dawn nia. Chu, in va tilawmawm dawn ve. Kan lawm lutuk aw” Pu Mafaka chuan a ti a. Pu James-a chuan card a pe a, chutah chuan phone number leh academy detail a awm a. An khaw lamah haw lovin, Aizawlah rei lo te an cham anga, tichuan Kerela lamah kal an tum ta a. An chanchin chu an chhungte chu phone kaltlangin an hrih nghal vek a.

Gabriel-a leh Pu Mafaka te pawh rail-in Kerela lam an pan a. An hotel thlenna te chu a nuam fahran lo, mahse, nuam chen turin an kal lova, academy-a tling tura kal an ni zawk.

Gabriel-an an training ground a luh chuan pui a ti hle a, a nuna a thawhrim nasat chhan ber chu a rawn thleng ta. Gabriel-a chu a zam hle a, mahse tling tur chuan a tumruh

hle a. U17 lamah chuan an hruai a, coach 5 lai an lo awm. Amah ang rual trial nei ve tur mi zahnih chuang an awm a, India ram hrang hranga mite an ni a. Chuta tang chuan mi sawmnga chiah an lak dawn avangin a har ve hle dawn a, mahse Gabriel-a chuan tlin a tum ruh em em a.

Chutia trial an neih lai mek chuan a thian tha em em Hlutea erawh chu sikulah lehkha a lo zir a. An khaw lam chhuahsanin Aizawl lamah pawl 10 a lo zir a ni. Hlutea chu a chhung leh thiante chuan pawl 10 chu Distinction-a pass ngei turin an duh, mahse Hlutea chuan Top 10 a tum zawk a. Fiamthuon Gabriel-a nu chu mi te chuan, “I fapa Gabriel-a nge thleng sang zawk ang Hlutea hi. Nakinah kum 5 liam hunah kan hre dawn nia” an lo ti thin a. Mahse, Gabriel-a nu pawh Gabriel-a chu a support tan a, enga tan mah a ti ngai lo a.

Gabriel-a chuan tluang takin trial chu a tizo a, Pu Mafaka pawh a awm hmun atangin a lo tawngtai ve char char a. A tawpawh chuan Academy-a tling ho chu an puang ta a. Vanneithlak deuhvin Gabriel-a chu an thlan 48-na a ni hlah a. A thiam pawl chu a ni ngei, mahse a thiam zingah chuan a thiam ber a ni lo. Chuvang chuan, Gabriel-a chu a tang zual sauh sauh a. Training zawhah te darkar chanve vel te amah leh amah a in-train thin a. Hengte avang te hian coach te duhsak pawh a hlawh hle a.

An training dan te chu a hahthlak tawh hle a. Gabriel-a, proper training pawh nei lo tan chuan har tak a ni. Rang taka khelch chu ngaia a neih chhoh a ngai dawn, minute 45 tal match-ah a khelch duh chuan. Pu Mafaka chu khaw lamah haw chho mah se Gabriel-a chu a lo tawngtai pui ve char char a. Gabriel-a chu an coach pakhatin awmna tur te a lo pe hlah a, a lawm hle a. Ni tinin Gabriel-a chu a tha telh telh a, match-ah te pawh a tha chho telh telh a.

Chutiang bawkin Hlutea pawh lehkha tha takin a zir chho zel a, pawl 10 result a lo chhuah chuan Mizoram pumpuiah 8-na a ni a, an khaw pumpui chu an lawm hle a. Hlutea 8-na a nih atang khan amah tawp hi an khaw celebrity a ni deuh mai.

Kum khat dawn te a ral hnu chuan Gabriel-a pawh U18 player pawimawh ber zinga mi a ni tawh a. An academy U17 chu a champion pui mai bakah season laklawh laiin captain-ah te an thlang a. Tunah chuan players mai ni lo, coach te zingah pawh a lar tawh hle a. Kum 17 a nih chuan senior academy team-ah telh a ni ta a. Milan-ah a khelch a ngaih tawh dawn avangin a pui hle mai. U20 ni mah se a thiam bik avang leh a tumruh avangin kum 17-ah lek an tel a. Midang, a thian thenkhat te chuan an itsik phah hle a.

Kum 18 a nih meuh chuan club hrang hrang ten an duhzia chanchinbuah te an tilang a, mahse Gabriel-a chuan AC Milan lam chu a nghak deuh a. Mahse professional team lamin an mamawh hrih loh avangin amah sawmtu Juventus Next Gen chu a join ta a. Professional League, Serie C ni mah se chutianging a lian lutuk lo a. Mahse, Juventus Senior Team chu a tum tlat a. A thil tum chuan a ti thawhrim phah em em a.

Kum 21 a lo ni ta a, Juventus Next Gen-ah chuan player pawimawh tak a ni chho a. A tawp a tawpah chuan Senior Team-a khel turin an rawn sawm ta a. A lawm em em a, India mi hetiang tithei hmasa ber a ni dawn tihna a ni. A chhungte, a thiante, Mizoram leh India ram pumpui tan chuan mi ropui tak a ni a, an ngaisang em em a. Mizoramah lawm a hlawh takzet a.

Gabriel-a debut-ah chuan a che tha hle a, penalty a pet goal mai bakah vawi khat a assist bawh a. Tunah chuan a lar ve em em twh aa. Regular-in khel lo mahse a khel chhunah chuan vawi khat a pet goal emaw a assist emaw ngei ngei tih ang vel a ni. Fans te chuan Gabriel-a chu Starting XI ah dah tur ten an ngen a. Gabriel-a chuan pawisa a hlawh hnem em em tawh a, a chhungte pawh an hausa em em tawh bawh. A hma khan thawkrim lo chu ni se hetiang hi a thleng kher lovang, mahse a thawkrim em em a, a tumruh bawh si a, tuna a nihna hi a thleng thei ta a ni.

Khawvelah a duh zawng zawng nei thei tawh ang a ni ta. Italy-ah chuan in lian deuh a lei a, motor 2 a lei bawh a. Kum 21 miah chuan mi hlawhtling ber te zinga mi a ni ta. A chhungte chu in a sak sak bawh a, motor te a leisak a, a thiante present te a lei a. An khuaah chuan Football Field te a siam a, school tha zawk te a din a, tanpui ngai zual te a tanpui bawh a. A pawisa hmanna te chu a tha hle a.

Chutia Gabriel-a'n hlawhtling taka nun a hman mek lai chuan, a thian tha em em, Hlutea pawhin BE a lo zir ve mek a. A thiam thei pawl te a ni zel a. Tun, a kum 21-na kum hi a zawh theihna kum chu a ni. A nu leh pa te inchhuang theia siam a duh hle a, tumruh takin a zir tang tang a.

Bung thumna : An Awm Dan Zel

Gabriel-a chuan a nun chu zu leh ruihtheih thilah hmang lovin a la hlawhtling lo emaw tih tur angin a thawkrim em em a. A chhungte chu a awmna ramah a hruai thin a, ram dangte an tlawh kualpui thin bawh a. Pu Mafaka leh a chhungte chuan an chhuang hle a, Gabriel-a nu chu an khaw nu hote chuan an be zak tawh zawk a, mahse an chhungkua hi ngilnei tak an nih avangin an induh ngai lova, mi hausa ni lo angin an be vek thin. An khaw mite chuan an ngaisang em em. Tunah chuan an khaw chungchang sawiah a tel ve ziah tawh dawn a ni. Gabriel-a chu mi lar tak tak leh India rama mi pawimawhte nen pawh an inhria a. Gabriel-an mi zawng zawng hre tura a duh ber 'Lehkhazir hi hlawhtlinna awm chhun a ni lo' tih chu mite chuan an hre ta a ni.

Gabriel-a chuan a chhungte chu an duh apiang a lei thin a, in pawh a nei ve nual a, motor pawh a ngah a, supercars leh luxury cars ang chi pawh a lei nual a. A chhungte tha

takin a chawm a, a thian hlui te lakah a induh lova, thian pangngai ang vekin a la bia a. Heng vang te hian fans-in an duh phah em em a ni.

Nupui tha tak neiin fa 3 a nei a. An chhungkua chu an hlim em em a. Sunday-ah inkhelh te ngai thin mahse a theih hram chuan an inkhawm ziah tho thin.

Gabriel-a thianpa Hlutea chuan BE leh B.Ed a zo va, Middle School-ah English teacher a ni a ni. Engineer hna thawk lo mah se mi hlawhtling tak a ni tho va. A chhungkua te a chawm a, in lian ve pangngai a neih mai bakah motor 2 a nei bawk a ni.

A tawpah chuan Gabriel-a leh Hlutea te chu, anmahni kalna zawnah ve ve mi hlawhtling tak an ni a, an hlawhtlin dan inang lo mah se chhungkaw tha tak an din thei ve ve a, chumai bakah hna neiin chhungkua an chawm thei a, hlim takin Pathian tih chungin chhungkua an din ve ve a ni.